



**Broj: 02-04.1-149/25  
Brčko, 18. 2. 2025. godine**

Na osnovu člana 31. Zakona o javnoj upravi („Službeni glasnik Brčko distrikta BiH”, broj: 18/24 – prečišćeni tekst), člana 6. Zakona o Direkciji za finansije Brčko distrikta Bosne i Hercegovine („Službeni glasnik Brčko distrikta BiH”, broj: 16/24 – prečišćeni tekst), i člana 2. i 3. Uputstva o načinu, uslovima i postupku imenovanja članova Vijeća za računovodstvo i reviziju Brčko distrikta BiH („Službeni glasnik Brčko distrikta BiH”, broj 45/16), direktor Direkcije za finansije Brčko distrikta BiH **r a s p i s u j e**

**JAVNI POZIV  
za prijavu za članove u Vijeću za računovodstvo i reviziju Brčko distrikta  
Bosne i Hercegovine**

**I. Predmet ovog javnog poziva je prijava za članove Vijeća za računovodstvo i reviziju  
Brčko distrikta Bosne i Hercegovine**

Kako je propisano članom 49. Zakona o računovodstvu i reviziji u Brčko distriktu Bosne i Hercegovine („Službeni glasnik Brčko distrikta BiH”, broj: 22/16 i 50/18), Vijeće za računovodstvo i reviziju Brčko distrikta Bosne i Hercegovine osniva se s ciljem unapređenja i razvoja računovodstvene i revizorske profesije, primjene međunarodne računovodstvene i revizorske regulative, kao i harmonizacije sa standardima utvrđenim od strane Komisije i zaštite općeg i pojedinačnog interesa u obavljanju poslova u toj oblasti.

U skladu s navedenim, direktor Direkcije za finansije je donio Uputstvo o načinu, uslovima i postupku imenovanja članova Vijeća za računovodstvo i reviziju Brčko distrikta BiH („Službeni glasnik Brčko distrikta BiH”, broj 45/16), gdje je propisano da direktor Direkcije raspisuje javni poziv na koji se mogu prijaviti svi zainteresovani za članstvo u Vijeću.

U skladu s članom 3. spomenutog uputstva na javni poziv se mogu prijaviti:

- a) univerzitetski profesori, koji su redovni profesori iz oblasti računovodstva i revizije u BiH i koji posjeduju zvanje ovlaštene revizor (u daljnjem tekstu: OR) ili certificirani računovođa (u daljnjem tekstu: CR),
- b) lica zaposlena u Direkciji za finansije koja posjeduju zvanje OR ili CR,
- c) lica zaposlena u Uredu za reviziju javne uprave i institucija u Brčko distriktu BiH, koja posjeduju zvanje OR ili CR,
- d) lica koja posjeduju zvanje OR ili CR koja svojim praktičnim i teoretskim iskustvom u predmetnoj oblasti mogu da doprinosu efikasnijem radu Vijeća.

## **II. Nadležnosti i odgovornosti Vijeća**

Odredbama člana 50. Zakona o računovodstvu i reviziji Brčko distrikta Bosne i Hercegovine („Službeni glasnik Brčko distrikta BiH“, broj: 22/16 i 50/18), propisane su nadležnosti i odgovornosti Vijeća.

Vijeće je nadležno da:

- (1) prati proces primjene računovodstvenih i revizijskih standarda;
- (2) daje inicijative za odgovarajuća i pravovremena rješenja radi što efikasnije primjene računovodstvenih i revizijskih standarda u Distriktu, a uz saglasnost Komisije za računovodstvo i reviziju BiH;
- (3) izvještava direktora Direkcije o stanju u vezi s primjenom računovodstvenih i revizijskih standarda;
- (4) učestvuje u pripremi strategije, izradi smjernica i akcionog plana za poboljšanje kvaliteta finansijskog izvještavanja u Distriktu;
- (5) saraduje s Komisijom za računovodstvo i reviziju BiH, domaćim i stranim obrazovnim ustanovama koje u svom sastavu imaju katedru za računovodstvo i reviziju, kao i s domaćim i stranim profesionalnim asocijacijama, tijelima i organizacijama iz tih oblasti;
- (6) utvrđuje kriterije za obrazovanje cijena revizorskih usluga;
- (7) obavlja druge poslove iz svoje nadležnosti, u skladu s ovim zakonom.

Vijeće je dužno podnositi godišnji izvještaj o radu Direkciji za finansije Brčko distrikta BiH. Direktor Direkcije, nakon prijema godišnjeg izvještaja, izvještava Vladu i Skupštinu o radu Vijeća za računovodstvo i reviziju.

## **III. Dokumentacija za učešće**

**III.1.** Uz prijavu na javni poziv potrebno je dostaviti sljedeće dokaze:

- a) Univerzitetski profesori moraju dostaviti uvjerenje od univerziteta kojim se dokazuje pozicija redovnog profesora iz oblasti računovodstva i revizije i ovjerenu kopiju sertifikata o stečenom profesionalnom zvanju OR ili CR;
- b) Lica zaposlena u Direkciji za finansije Brčko distrikta Bosne i Hercegovine moraju dostaviti uvjerenje kojim se dokazuje radni odnos u Direkciji za finansije i ovjerenu kopiju sertifikata o stečenom profesionalnom zvanju OR ili CR;
- c) Lica zaposlena u Uredu za reviziju javne uprave i institucija u Brčko distriktu BiH moraju dostaviti uvjerenje kojim se dokazuje radni odnos u Uredu i ovjerenu kopiju sertifikata o stečenom profesionalnom zvanju OR ili CR;
- d) Lica koja posjeduju zvanje OR ili CR koja svojim praktičnim i teoretskim iskustvom u predmetnoj oblasti mogu da doprinosu efikasnijem radu Vijeća moraju dostaviti ovjerenu kopiju sertifikata o stečenom profesionalnom zvanju OR ili CR.

Dokumenti i uvjerenja navedena u tački III.1. – Dokumentacija za učešće, ne smiju biti stariji od 6 mjeseci, računajući od trenutka zatvaranja Javnog poziva. Dokazi koji se zahtijevaju moraju biti originali ili kopije ovjerene kod nadležnog organa.

- III.2.** Uz prijavu na javni poziv potrebno je dostaviti ovjerene kopije sljedećih dokumenata:
- Uvjerenje o državljanstvu (ne starije od 6 mjeseci od dana izdavanja od nadležnog organa);
  - Uvjerenje da se protiv kandidata ne vodi krivični postupak (ne starije od 3 mjeseca od dana izdavanja od nadležnog organa);
  - Izjavu da kandidat nije obuhvaćen odredbom člana IX. stav (1) Ustava BiH.

Ukoliko navedena dokumentacija ne bude dostavljena, kandidat neće učestvovati u postupku odabira za članstvo u Vijeću.

**IV.** Ocjena prijava: Pristigle prijave ocijenit će direktor Direkcije za finansije i na **osnovu istih** sačiniti prijedlog za članove Vijeća u roku od 7 dana od dana zatvaranja Javnog poziva, te ga dostaviti gradonačelniku Brčko distrikta BiH, na razmatranje i imenovanje članova Vijeća. Odluka gradonačelnika o imenovanju članova će se objaviti na internet stranici [www.df.bdcentral.net](http://www.df.bdcentral.net).

**V. Rok trajanja poziva:** Javni poziv ostaje otvoren 7 dana od dana objave u sredstvima javnog informisanja.

**VI. Priprema prijave:** Učesnici su obavezni da pripreme prijave u skladu sa zahtjevima koji su navedeni u ovom javnom pozivu, a prijave koje nisu u skladu s ovim javnim pozivom bit će odbačene kao nepotpune.

Prijave se mogu preuzeti na stranici [www.df.bdcentral.net](http://www.df.bdcentral.net) i na šalteru Direkcije za finansije Brčko distrikta BiH, Miroslava Krleže broj 1.

DIREKTOR  
Direkcije za finansije

---

**Janja Geljić, dipl. oec.**

**DOSTAVLJENO:**

1. Za oglasnu ploču Vlade Brčko distrikta BiH,
2. Sektoru za informacione tehnologije,
3. Arhivi.